

pflanzen/sollen bewahret werden vor den Thieren/da ihr gang hin ist. Item Kürbiss/Citruli/Mes-
sen/Eppich/Capres/Basilienamen/Quendel/Lactuca/Mangolt/Zwibelen/Welden/wo dies
gang mögen gewässert werde/als Palladius spricht. In diesem Monat schiert man die Schaaff/



in den warmen Landen/ vnd die spaten werden gezeichnet / vnd die Wider werden zugelassen zu den
Schaaffen/vnd die Springer zu den Pferdsmüttern/ vnd die Esel zu den Eselinnen. Item/den
Lauben muß man speiß geben/wen die zeit kompt/dz die Felder alle gezackert seind/Darumb möge
sie wenig speiß finden zu ihrer nahrung. Item/als Palladius spricht/Man sol suchen die Immen/
vnd ihre Nest reinigen/vñ die Zwysfalter sol man tödten / die gar gemein seind / in der zeit der blüt
der Pappeln. Auch magst du nun fahen/vnd in allen Sommermonaten/Vogel/Fisch/Wildes/
in massen deines gefallens/nach obgemelter Lehre.

Von dem Meyen.



Der Meyen/sol man pflügen die Ecker/die aller längst Wasser halten/wenn sie gewachsen
seind/vnd doch die Kräuter nicht gesäulet haben/vnd die trucknen Ecker/mag man in dies-
sem Monat/nach dem aller besten umbstürzen/ oder/ als etliche sprechen wöllen / zum an-
dern mal äckren. Alle Samen vnd Früchte / stehen nun nahe der Blüt / darumb sol sie niemands
föhren. In den feuchten vnd kalten Landen/säet man jehund Panick/Fascheol/vnd Hirschen. Pal-
ladius spricht/daz in diesem Monat alles Holz zu fällen seye/ Denn die Wälde stehen in der Blüt
vnd grünen. Auch sol man die Krautgärten vnd die Weingärten graben/ zum andern mal/vnd sol
sie läuben. In den kalten Landen pflanzt man Styrbaum/vnd von jnen wirt abgeschabet das Ros.
Hat jemandes Feigbonen gesäet zu tünge/der sol sie nun umbarbeiten. In diesem Monat mag
der Pfirsigbaum gepflanzt/vnd dem Eiccrbaum eingempft werden/ Vnd zu gleicher gestalt der
Feigenbaum/vnd wirt geschickt die pflanzung des Palmenbaums. Es sollen auch die Gärten/die
man säen wil/auff den Herbst gegraben werden / vnd geschickt/ nach der Natur deren Kräuter/die
man darein säen sol. Auch sähet man Coriander/Eppich/Melonen/Kürbiss/Kettich/Karten/ vnd
Kutha wirt gepflanzt. Lauch wirt forthim gesetzt/daz er gewässert werde. Cappes wirt gar wol in
diesem Monat verset/vnd Zwibeln. Porzel wirt gesäet/auch welche zeit sie gesäet wirt / allem daz
es warm sey/denn wächst sie allezeit. In diesem Monat/in den Landen nahe bey dem Meer/mache
man Håw/vnd wann das Håw beregnet ist/sol man es wenden/ che denn es trucken wirt. Item/
man sol auch hüten der Kälber / vnd sol die Schaaffe scheren. Auch sol man Milch melcken/vnd
Kåß machen/wie zuvor gesagt ist. Item die Könige der Bienen/sollen getödtet werden/die von den
Griechen genant werden Oestrui, die werden jetzt geboren in dem euffersten theil der Honigrö-
ße. Item die Zwysfalter sollen auch getödtet werden/wie zuvor gesagt ist.

E

Von